

海虞談虎記

吳雙熱 程綠星 著

北市心開文社

中華民國十四年三月出版

版權
所有
不准
翻印

定價大洋叁角

著述者

吳雙熱
程綠星

發行者
屈壽彭

印刷者
北市心開文社

分售者
寺前各書坊

總代售處
寺前振華

海虞談虎記序

王序

東南二次戰爭之末潰兵陸續闖入我邑居民輾轉恐慌輒郭西郊恣意劫掠鄉鎮則蹂躪更甚供給遣散費需洋八萬數千元私家損失計達百萬元以上吁何其酷也猶憶去歲江浙戰事發生崑太松滬之民流離瑣尾舊業皆空我邑僻處江濱非軍事上必爭之點湖光山色掩映生輝風雨重陽催租如故閑塵歌舞之場酣嬉達旦居然潤色昇平行所無事矣無何臘鼓頻催蚩旗再出南徐鶴唳姑幕烏嘯攪澄江之波焚梁溪之權繇是我邑西南毗連之域悉變爲槍林彈雨之場而潰兵之禍無能免矣嗚呼我邑經洪楊之難六十餘年居民不識金革今忽罹此浩劫是誰之過與吳君雙熱程君綠星哀邑民之無辜受累且欲留一紀念以備

後人之攷證爰將潰兵經過情形裒集成編題曰海虞談虎記屬
予爲之序夫予固非能文者聊就管蠡所及撮其大略如此
乙丑春仲吉民王丙祺

周序

澄錫潰兵陸續過境邑人士相驚伯有深虞其劫掠幸官紳妥爲接洽城中秩序賴以保持然如支塘任陽等鄉則仍不免爲所蹂躪十室九空蓋亦創鉅痛深矣吾海虞僻處一隅本非軍事要區邑人士狃於陳見習於苟安雖當江浙軍興之際尙不預爲戒備泄沓因循一如平日以僥倖於兵禍之不至卽一二有識者明知此彈丸之地夙爲人所垂涎鄰封有警萬難獨免徒以手無寸柄不克展其懷抱益以實力之擴充旣非一手一足之烈所能爲功更非臨渴掘井所能奏效則亦惟有咨嗟太息若杞人之憂天而於事固無絲毫之裨補也夫使吾邑力足以自衛衆足以抗敵則對此散勇潰卒收拾正自易易繳械以殺其勢資遣以示我仁所失者微而所全者實大又何至當其洶洶索款之時相顧躊躇一

籌莫展而仍乞靈錢神以買一城之安甯焉哉嗚呼吾爲此言非爲當時之官紳嚴其責備也敗北之兵既麇集於城內外視耽耽而欲逐逐志固在於一飽應付稍一不周地方立見糜爛當事諸公無拳無勇支撐其間卒使危局復安心苦力瘁吾人方感謝不暇何忍爲事後之不諒吾爲此言特欲使今後之邑人深知世變無窮款項有限非有自衛之能力萬不足以維持地方秩序而常穩渡其優遊之歲月放遠眼光捐除私見斥貲盡力爲亡羊補牢之謀庶乎暴力之來有備無患而虞山福地乃始能名副其實耳友人雙熱綠星近編海虞談虎記殆亦欲借此前車以警醒吾邑人雙熱既索敘於余迺以所懷書其端

乙丑春仲逸雲周還

自序

嗚呼爭地殺人江浙之交閩何苦冤家狹路盧齊之構怨愈深下
野督軍忍殘民以一逞渡江宣撫陳利兵而誰何試測兩間成敗
之機奚待一卜蓍龜而決是故沉舟破釜背城之一戰徒勞衆叛
親離望氣而全軍皆墨有項羽之子弟八千江東不返無田橫之
死士五百海上孤行一狗喪家氣急敗壞羣鹿挺險駭汗蒼黃顏
面何存棄甲曳兵而走脚蹤所至殺人越貨而行蛇豕無頭上有
好者下必甚虎而傅翼飢求食兮飽則颺吾邑僻在海隅亦被潰
兵之擾薦地禍從天降橫遭失火之殃則有東鱗西爪墮突城廂
三衆五羣蹂躪村郭等是飛蝗過境幾於十室九空迨夫調虎離
山奚止千金一擲雖逗遛之時日無多其騷擾則淋漓盡致種種
興妖作怪書不勝書人人疾首痛心忍無可忍著者兵談草木猶

帶餘驚禍切梓桑不堪憑吊爰與綠星雙揮班管續一部春秋之傳語未浮誇譜滿城風雨之聲本之聞見和盤託出談虎以誌不忘秉筆直書投鼠罔知所忌記創巨痛深之已事欲使上有所聞問安民保境之謂何毋乃適得其反試看橫行數日吾虞之罹禍何如從知鑒戰一場他邑之被災尤甚嗚呼兵凶若是小民何以聊生軍紀云何國人皆曰可殺識此數言藉伸孤憤公諸衆覽共證刼灰是爲序

乙丑孟春雙熱吳恤

題詞

九秋蠻觸難初平往復循環又弄兵歲尾年頭方遞嬗敗鱗殘甲忽縱橫肥甘酒肉沿門嚼千子囊韃載路行金革七天同寢饋合城都是魯先生

莫問江湄與海湄出雷池步更顛危山隅拚作藏舟壑春夜誰賡聞笛詩郭外千家俱總寶城中片土免成塵可憐士女嬉游日黑煞風高雨不知

萬家闔戶夢搖搖曳杖鏗然塵未霽午夜是誰呼埜澤清人何處賦逍遙狼吞虎噬看今夕泣鬼驚神併此宵鷗嚇不成驚勿笑于翬來者恐如潮

逍遙城中
茶肆名

陰慘寒空鬱不開一聲驚爆勝軍來奇兵何處從天下生氣先看大地回五色懸旗輝麗日六街伐鼓競春雷奔轡竄鹿俱無影實實虛虛信妙才

成城衆志比城堅瑞雪銷兵氣倍前禦侮折衝憑口舌投戈脫甲仗金錢天心悔禍逾三九人日題詩幸萬千屈指從頭思往事屠蘇風鶴五新年

快意時晴氣象新，休祥願釀四郊春。玉田已種期嘉穀，金甲初銷洽比鄰。休競物華天寶日，敢忘矛浙劍炊辰。瘡痍甫起先存問，不是尋梅踏雪人。

紅會出
查兵災

一城海角半傾甌，饋歲迎年說也愁。三泖九峯重浩劫，龍山虎阜幾移舟。杜陵筆底千間廈，白傅心頭十丈裘。茅絰再呼空兩手，銅山金穴自悠悠。

金閭昨已遞郵筒，燕朔雲高到雁鴻。不但溯洄千里外，喜看南北一時通。河山兩界誰分限，元氣中涵自大同。野馬塵埃消欲盡，人家爆竹又春風。

負嵎已失尙橫撞，亂建三軍大將幢。一敗如灰空委翳，十年成聚付奔瀧。樽桑竟作逋逃藪，窮蔽何堪文史邦。太息申江不流惡，由來知恥讓烏江。

甲子重思前甲子，黃巾初去邑蕭森。萬千戶聚詩書氣，六十年無寇盜侵。值此寢兵休息，傲須知伏莽尙沉吟。熙熙欲享春臺樂，第一綢繆未雨心。

海虞談虎記目錄

- | | | |
|---|---------|---------|
| 一 | 殘年向盡雷驚蟄 | 山雨欲來風滿樓 |
| 二 | 卅五市鄉寧有豸 | 萬千氣象欲吞牛 |
| 三 | 慈悲救苦欽紅會 | 推食解衣撫難民 |
| 四 | 宣撫軍來生異彩 | 敗殘兵去漾餘波 |
| 五 | 拾來瑣屑生奇趣 | 話到零星雜笑啼 |
| 六 | 附談戰禍哀無錫 | 映證兵凶吊海虞 |

海虞談虎記

綠星編述
雙熱潤辭

(一) 殘年向盡雷驚蟄 小雨欲來風滿樓

蘇督齊燮元亦既削職下臺。猶自尋仇覓恨。與盧永祥鬪。法怒奮井蛙。遇張宗昌大軍。負窮岫虎。京口蹉跌。常州敗創。紛紛倒退。節節下趨。欲圖無錫。而臨陣失風。退守江陰。而孤軍被困。吾邑鄰毗澄江。波生影響。聽礮聲之徹耳。傳烽火而驚心。時當歲尾年頭。防務因之吃緊。俗尙迎春送臘。風景從此殺光。一時鶴唳風聲。大有草木皆兵之概。益以滬常間之交通告阻。新申各報寄遞遲誤。正不知外面一番戰爭。畢竟何如。因此發生種種風謠。說得人人害怕。逐日開駛崑山之小輪。先因在崑被封而停駛。已而申班招商泰東兩公司輪船。亦有憚而不敢發。惟有蘇班小輪。冒險開行。其時蘇州大亂。始則蘇軍五六兩團交關。

繼則齊部到有潰兵。城內外居民附搭小輪來常避難者。紛紛不絕。輪船生意大佳。各旅館亦復應接不暇。利市三倍。而澄錫兩方面。同時亦有避寇來常者。叩以戰爭狀況。兵燹情形。答述一番。聲淚俱下。吾人於觀聽之餘。彌復杞憂。在抱寢食不安。唇亡則齒寒。履霜而冰至。早慮鄰封之兵禍將波及於梓鄉。所萬一希冀者。或者虞山福地名副其實。而得倖免於禍。詎自夏歷甲子十二月二十八日始。江陰方面之齊部潰兵。雞零狗碎。豕突狼奔。陸續竄來。甚囂塵上。其可得而名者。則有第十九師第六師及第二師之五六兩團分子。混雜統歸。無人橫行。遍於四郊。騷擾及於羣衆。中間更有不成模樣之殘兵敗卒。服章不一。槍械不全。甚至肩章領章亦無有。甚至軍衣軍帽亦無有。混入潰兵隊裏。亦來么喝咬人。茲將夏歷十二月二十八日起始潰兵陸續過境情形。先行分日記載於左。此談虎記之開宗明義第一章也。

二十八日黎明到有第十九師武裝兵士二十六人。逗遛南門外之壇上。及洙

草、浜、輪、船、碼、頭、一、帶、據、云、由、丹、陽、戰、敗、而、來、一、時、壇、上、各、茶、樓、都、有、三、三、兩、兩、八、太、爺、佔、據、而、爲、座、上、客、事、聞、於、趙、知、事、立、派、警、察、所、長、王、崑、山、馳、赴、南、郊、婉、勸、該、兵、士、等、迅、速、離、常、免、致、人、民、恐、慌、明、知、此、輩、非、錢、不、行、當、經、酌、給、川、資、洋、二、百、元、該、兵、士、等、允、即、登、輪、赴、蘇、詎、招、商、輪、局、經、理、汪、君、安、惟、恐、輪、船、從、此、封、去、只、得、婉、辭、拒、卻、該、潰、兵、等、頓、時、翻、轉、面、皮、大、發、雷、霆、破、口、潑、罵、鳴、槍、示、威、並、放、步、哨、於、總、馬、橋、社、經、壇、大、弄、口、羅、家、弄、小、廟、場、花、園、浜、等、處、王、所、長、竭、力、勸、導、無、效、急、回、署、報、告、縣、長、飛、簡、邀、集、士、紳、緊、急、會、議、有、主、張、以、武、力、解、決、調、集、縣、警、察、所、之、保、安、隊、前、往、包、圍、勒、令、繳、械、者、謂、以、多、數、對、付、少、數、何、憂、何、懼、若、然、對、此、區、區、二、十、六、人、不、能、使、之、屈、服、殊、屬、不、成、體、統、云、云、而、多、數、士、紳、則、主、張、給、資、收、械、和、平、遣、散、不、宜、遽、告、奮、勇、妄、逞、一、時、之、意、氣、事、如、決、撒、將、遣、後、患、於、無、窮、議、既、決、仍、派、王、崑、山、所、長、協、同、楊、夏、汾、警、佐、懷、挾、千、金、前、往、接、洽、詎、該、潰、兵、等、似、已、得、悉、王、所、長、懷、資、而、往、至、則、遽、被、包、圍、莫、由、擺、脫、楊、警、佐、見、勢、不、

佳乘間返奔入署報告時則會議者猶在座於是復有主張以武力從事者然仍爲多數堅持而卒貫徹和平主張跋往來不惜以金錢從事當經王所長等費盡唇舌與潰兵二十六人講盤子直至下午一時結果收得快槍六枝花去銀洋四百餘二十人不允繳械而擎槍實彈其勢洶洶王所長手無寸鐵窮於對付必不得已舉懷挾之千金作孤注之一擲於是二十六個潰兵呼嘯揚長硬踏輪船單放而去是役也以金錢周旋二十六個潰兵先後共耗千六百金始得和平遣散嗚呼八太爺真不易與哉

同日晨大東門外船埠到有由上海平江輪船拖載來常之第六師武裝兵士百餘人據稱係開赴滄浦駐防者一時居民不察疑係潰兵見其傍岸停船無不慄慄危懼幸而勾留片刻卽封船鼓棹而去

同日下午又有武裝兵士四十三人排長一員由邑之西北鄉來據兵士云係齊部之衛隊取道阜北門外之菱蕩沿欲從水北門進城門警恐其滋擾急率

以閉門羹。同時早北門城亦暫行緊閉。（兩城旋即開放）渠等乃踏坐小車。由船廠抄至大東門。縣知事署聞信。立派巡官羅啓祥前往接洽。該兵等聲言欲覓船隻。送我們到崑山去。又言我們疲餓得很。趕快替我們找個地方吃飯。睡覺。羅巡官笑而頷之。當即就近送至總管廟中。爲之安排食宿。翊晨給以川資洋二百元。封船直向崑山方面開駛而去。

是日也非常戒嚴。城門提早關閉。由保安警察全體武裝。分駐各城。徹夜防衛。而城內繁盛市集。則由商團荷槍實彈。分段站崗。通宵邏守。附郭居民大起恐慌。紛紛避入城廂。而城居者亦至不寧。多有寢不安席。食不甘味者。先一日縣署到有齊燮元之委員俞永年。索解軍用費十萬元。窘無以應。悻悻而去。後一日係歲除（十二月小建以二十九日爲除夕）各店鋪以收束賬務關係。雖在戒嚴聲中。不得不循例開張夜市。一面收賬。一面營業。然惴惴惟恐潰兵入境。縣知事趙邦彥亦此之慮。計惟一面備款以待潰兵之來。隨時資遣。一面預封。

船隻數十號。以備潰兵他去之用。一面飭由團警加緊堤防。保衛治安。維持秩序。是日天適陰雨。入夜不休。幸未續到潰兵。夜市尙形熱鬧。惟各當舖遽於下午五時。閉關謝客。（按當舖例於除夕通宵開市）是夜縣署示禁燃放爆竹。深恐聞者有所誤會。以故積習相沿之關門炮仗。終宵絕響。吾人於沈寂中挨過一年。個年關方冀太平無事慶賀新年。然而不可得也。

乙丑元日黎明。驚聞礮聲劇烈連發。可十餘響。聲浪似從西南方來。居民悚然相告。是日天已放晴。而路上游人稀少。午刻礮聲復大震。傳聞齊軍在無錫皋橋及江陰附近。與奉軍開戰。並據旅常之江陰人言。得鄉人電告。兩軍正在激戰中。江陰城外已糜爛。不可收拾云云。更自縣署傳出消息。江陰方面將有大批難民來常云云。當經本邑紅會人員。開會議決。通知去秋原辦難民收容所各主任。一律趕速將各該收容所恢復成立。預備難民到來。得以收容。已而果有大批難民至。